

肩復簡先亡受度近逝超生或繫三塗高輪
五苦乘齋功而解脫不溺報緣准符命以化
生克膺福果暨幽冥之未度借翊衛之有勞
允賴恩光俱超品秩則上明
天尊大慈之澤下副臣等皈命之誠謹啓以
聞

發願

- 一願靈光下燭
- 二願道月揚輝
- 三願恩宣九地
- 四願誠達天威
- 五願真靈具會
- 六願道炁周圍
- 七願天堂開敞
- 八願地獄墮摧
- 九願玄功普被
- 十願駕景空飛
- 十一願普天懷德
- 十二願道化無為

後爐

存神燒香

香官使者左右龍虎君侍香諸靈官當今
向來晚朝隆壇行道之所自然生金液丹碧
芝英百靈聚真交會在此香火爐前當願十
方仙童玉女接待蘭庭傳向來所奏之誠
速達徑上

至真無極大道
三清上聖

昊天至尊金闕玉皇上帝御前

羅天大醮晚朝科

正一天師清微弟子 洪百堅 製作
道教學術資訊網站

羅天大醮設醮儀

各禮師存念如法

宣衛靈呪

東方

九炁青天 明星大神 煥照東鄉 洞映九門
轉燭陽光 掃穢除氛 開明童子 號曰玄卿
備衛我軒 上對帝君 收魔束放 討捕光羣
奉承正道 亦書玉文 九天符命 攝龍驤傳
昔天安鎮 我得飛仙

南方

三炁丹天 煥景流光 熒星轉燭 洞照太陽
上有赤精 合契虛皇 開明童子 號曰華房
總御火兵 備守玉堂 斬邪束妖 剪截魔王
北帝所承 風火衝當 流鈴交煥 翊衛壇場
正炁流行 敢有已狂 我享上功 坐運魁罡
德劫長存 保天無疆

西方

七炁素天 太白流精 光耀金門 洞明太冥
中有素皇 號曰帝靈 保神安鎮 衛我身形
斷絕邪源 玉道正明 宮殿整肅 三景齊并

道合自然 飛昇紫庭 靈寶符命 普惠萬生
元皇正炁 來合我身 功加一切 天地威寧

北方玄天 元始徘徊 辰星轉燭 洞煥太微
黑靈尊神 號曰層威 玄冠飛天 仙裾羽衣

備守五門 檢精捕非 敢有干試 豁落斬摧
玉符所告 神具八威 邪門閉塞 正道流輝
三光映照 我身無衰 策空駕浮 舉形仙飛

黃炁中央 調理乾坤 陶鑄陰陽 總統玄具
銀星吐輝 流耀九星 開明童子 號曰天璣
陽炁饒上 朱煥炎精 洞照內外 運我身形
百邪摧落 攝役鬼靈 中山神呪 晉天使開

五靈安鎮 身飛上清
鳴法鼓二十四通

無上三天玄元始三炁太上老君召出自身
中三五功曹左右官使者左右捧香金童傳
言散花玉女五帝直符直日香官使者各三
十六人出出者嚴裝顯服冠帶垂纓關啓玄
壇土地方域神真 今設醮謝恩謹奏為

其諸誠意具載 誠願得

太上至真道炁靈寶瑞光下降流入 等身
中今日所啓之誠 速達徑御
至真無極大道

三清上聖

昊天至尊金闕玉皇上帝御前

請稱法位

具位 某與臨壇官眾等謹同誠上啓

虛無自然元始天尊無極大道太上道君太
上老君高上玉皇十方已得道大聖眾至真

諸君大人三十二天帝君玉虛上帝玉帝大
帝東華南極西靈北真玄都玉京金闕七寶
瓊臺紫微上宮靈寶至真明皇道君三十六
部尊經玄中大法師上相上宰上保上傳太
平下教二十四真人西城總真王君太乙真

人東嶽上卿司命茅君定錄保命二真人名
山洞府得道神仙三界官屬一切真靈 臣聞
道不迷人彰非色非空之象天能覆物仰不
清不濁之機苟一念之精通則十方之咸集
今時齋官某夙嚴素念少罄丹衷久繫星壇

已肅六齋之禮 再迎雲謁虔伸一樂之儀 嗟
黍稷之非馨 念蘋蘩之可祀 香交朝霧 氣凝
霄漢之龍車 磬迎曉風 聲雜寥寥之仙樂 敬
之如在 感而遂通 伏願駕羽飛雲 十絕之楮
幢隱映 出日入月 八珍之旌旆 悠揚三界 侍
軒萬神 就座 臣等誠惶誠恐 冒犯威嚴 謹當
奏降

請班
降聖
安座

進茶

鸞輿鶴駕 敢延琳宇之君 鳳餅龍圖 敬効玉
盃之獻望
天顏之咫尺 鑑人意之翹懇 上下交通 內外
環應 臣與齋官 誠惶誠恐 稽首頓首 再拜謹
陳茶獻

請班

降聖

安座

進茶

陳茶獻

法事

聞天本不言 雖曰偶淫而福善道無不覆
然常惡殺以好生 雷霆寓震動之威 雨露有
沾濡之化 網恢恢而不漏 德蕩蕩以難名 吉

凶非數之適然禍福皆人之所召苟知遷善而遠罪自可轉禍而為祥切念齋官某居兩儀博愛之中為萬物景靈之數被輪命牧民之際目茲浩劫可憐外境之災火共戈身若秦和或者蕭牆之早蛟水災疊起爰友手分官列職昭告于十極高真迺

陳伏地之詞爰設羅天之懺心存精白儀備齋莊蘭燭相輝寶炬散六花之瑞沉檀交馥金爐薰五色之祥春滿懸筵雲開黃道將伸獻禮敢襲常程懼癘瘧之為羞未能齋潔採參苓之仙藥以代潢汙物不足而誠有餘心既精而文可略一忱冒瀆百拜震驚清酒在樽謹陳初獻

法事

臣聞可道非道可名非名莫究玄玄之理以神謂神以聖謂聖欽惟濯濯之靈念此身如水上之漚嗟光景若風中之燭孽不可遁懼漢岡之可踈善或可懷見韓書之具載鑑清八表醮設羅天外潔五官誠存一念已徹潢汙之供重伸採藻之忱謝罪謝恩愧懶射之何似成終成始憐犬馬之惟勤視無見而聽

無間仰詳詳之在上親有德而饗有道鑑懇懇之由衷消穢黑籍之愆乞注清都之祿介將來之景福銷祀之災危日等虔誠酒陳亞獻

法事

臣聞若存若亡無聲無臭上天之載蕩蕩巍巍至道之精恍惚惚惚輝煌素仰叩圓青顧有漏之幻軀獲罪而無所祈構仰無名之妙道大德而有以包容是較旦之謹嚴肅蘭場而致潔黃冠被羽蓋八日以七宵紫府飛雲建九節而十絕典真文而欽席陳芳醴以散壇修瞻奎壁之光望鑑草茅之懇羅山推誠增壽嶽之彌高福海澄清流祿河之不竭與齋官稽首再拜設醮謝恩酒陳終獻

法事

具位臣某與臨壇官某等謹同誠上啓
三境至尊十方上聖玉京金闕天帝天真十方師尊聖眾三界官屬一切威靈日等多生幸會宿命因緣早沾楓陛之恩眷星披羽詞拜芝壇之法破券分環既傳九等之規難盡

一心之懇今承請命輒効焚修畫角收聲玉佩響玎璫之韻芳樽瀉翠金盃飛皎潔之光百拜三行已盡欽崇之志千懇萬罪膚披首謝之文齋官心詞謹當宣奏

宣詞

宣疏

宣進狀

具位臣某再拜上啓

三清上聖十極高真顯建真宰一切威靈恭望天慈俯昭謝悃臣聞大羅渺渺瑤瑤景麗於長春雲層我我貝闕輝耀於不夜門敞黃金之殿梯橫白玉之樓霞爛圓光映雍雍之御表星分班次拱奕奕之微垣矧至尊履位而見則猶難况以臣召君而訓云不可恃上帝勿嫌其卑賤致下民借屈於尊嚴既畢朝儀盡迎歸駕伏想
虛無元始車回於大有妙庭靈寶道君肇向於上清真境飛龍舞鶴迎老君之還玉京嘯鳳飛鸞擁吳天之歸金闕天皇回勾陳之位紫微運北極之垣后土地祇勅地神而還御

長生大帝回教苦以回轅三皇五老以還宮
 四梵九霄而回馭然後錢諸天之復位望牽
 仙而翼轅拜送在會神仙歸天界者伏想鞭
 鳴雲路戶敵天庭濟濟仙班肅若揖冕旒而
 入龍輓法駕森然擁旌節之回羽衣翻而鶴
 唳頻聞音樂奏而鸞簪漸速高願兩儀交泰
 二氣循常景星出有道之邦甘露液嘉禾之
 地拜送在會神仙歸地府者伏想門闢獄府
 鎖掣泉高整整鸞輿爾向官庭而入栩栩
 鶴駕依然從出洞之居珠簾捲而絲女歡迎
 寶駕回而瓊仙笑揖高願佳祥啓運聖澤滂
 泉嶽神生盛世之賢帝詔恤冥關之類拜送
 在會神仙歸水府者伏想龍回滄海馬過洞
 庭肅肅神遊儼若自帝宮而入森森法服欣
 朝御座而回軒車息而月印千江琴劍收而
 煙籠三岳尚願恩波及物惠溼沾民四溟止
 鯨齋之濤三級助魚跳之浪然後拜送在會
 神仙歸陽間者伏想雲浮珍駕星列珠幢在
 在山川久矣俟尊神而入堂堂祠宇肅然迎
 仙聖之回靈旗捲而鐵馬嘶風天仗隨而金

貂帶月尚願尊廣廟食福界邦民慈雲遍化
 雨之施和氣飲瘟風之散次及靈歸家廟神
 鎮龕堂坊隅之內各有司存獻饗之間寂無
 遺響巨等夕淹颺馭出斯語以何顏遙望天
 階恨此身之不羽後啓奏迎之禮尚希降格
 之慈臣等下情無任俯伏攀戀之至一心奉
 送

羅天大醮設醮儀

正一天師清微弟子 洪百堅 製作
 道教學術資訊網站

玄門報孝追薦儀

自然朝行道

師堂序立

步虛

啓師

壹五

恭以金真演教私教拔度之文玉冊垂科茂
 著昇遷之法存亡是賴幽顯均沾由是東極
 垂教若之慈北魁置拔亡之局可使亡魂受
 度能令枯骨更生輒冒崇嚴俯垂鑑證恭惟
 玄中教主諸大宗師垂下道貫三才心涵萬
 象隨方設教應物流形為生死之津梁作曲
 冥之主宰切念且某浮黎小兆靈寶微生叨
 承無量之真梯獲拜玄中之師範拯幽拔滯
 濟物利人且今謹為入意尚慮亡魂無邊苦
 爽自因宿世以至今生萬罪千愆陽非陰過
 罪既達於青律且必記於黑書因閉寒庭拘
 留幽獄若不皈投於玉陛焉能召到於皇壇
 徑仰叩於天威乞俯憐於幽滯拜貢素悃上
 清青玄請降恩光開明黑暗伏願真慈汲引
 聖德矜容告符命於河源變劍樹而作瓊樹